



SULEQATIGIISITSISUT
SAMARBEJDSPARTIET

UKA 2018/219
Tillie Martinussen
15. oktober 2018

(Peqqissutsimut Iisimatusanermullu Naalackersuisoq)

Uunga siunnersuut: Pinngitsuuisinnaajunnaarnermik katsorsaaneq pillugu Inatsisartut inatsisissaat nr. xx, xx.xxx 2018-imeersoq

(Tillie Martinussen, Inatsisartuni ilaasortaq, Suleqatigiissitsisut)

Iluaqaaq siunissami atugassat paasissutissat nuna tamakkerlugu paasissutissanut katersuivimmut nalunaarutigisarnissaat qularnaarneqarmat qaammatit pingasut, arfinillit aqqaneq-marlulluunniit qanngiunneranni katsorsartereernerup kingorna aamma suli nuannerneruvoq takullugu immikkoortumi ilinniarsimasut immikkoortortani assigiinngitsuni taamatullu assigiinngitsuni sulisassamaartut. Nuanneqaaq! Siunissami inunnik isumaginninnikkut sutigut tamatigut sullissinermi malitassatut assersuutissatsialaavoq. Tamanna pillugu Naalackersuisut nersualaarussuppakka.

Uangut kissaatigigaluarparput nuna tamakkerlugu pinaveersaartitsinermut siunnersuisoqatigiit aamma ataatsimeeqatigineqartassasut aamma takorloorparput akeqanngitsumik katsorsartittalernissamut atatillugu suliniutit nutaat piviusunngortinneqarsimaleriarpata aamma eqqarsaatigineqarsinnaasoq iliuuseqarasuarterneq pinaveersaartitsinerlu pillugit suleqatigiittoqarsinnaassasoq, immikkoortut taakku nukittorsarumallugit.

Inunnik isumaginninnermut malaaruteqartarfik eqqarsaatigalugu maalaarutissaqalaarpugut. Suliassalerujussooreerput suliarisarlugit ajornaatsuunngitsut alianartut oqimaaqisullu. Sulisut naammanngillat aamma ilisimasagut naapertorlugit supervisionernissaminnut periarfissaqanngillat taamatullu aamma siunnersorneqarnissaminnut periarfissaqanngillat.

Ikiorneqarnissartik pisariaqartippaat aamma sulilluaqaat, ullut tamarluinnaasa. Aamma atorfitik tunngavugalugit ukiumoortumik nalunaarusiaminnut ernummatitik ilannguttarsinnaasariaqarluarpaat

Takusinnaavarput Inunnik Isumaginninnermut maalaartarfik 2009-mi ukiumoortumik nalunaarusiorsimangitsut, tamatumalu takutippaa ulaperuloqisut, tamannalu paasinarsivoq politikkeritut saaffigineqarmata. Naggataatigut oqaatigerusupparput maalaaruteqarnissamut sapaatip akunnerinik arfinilinnik piffissaliisarneq sivikippallaaluatsiarloq, imaassinnaammat inuup sanngiitsup inuiaqatitta ilaata taama sivikitsigisup iluani maalaarnissani paasisimangikkaa imaluunniit nukissaqanngitsoq, taamaattumik sivitsungaatsiarneqartariaqarpoq.



SULEQATIGIISITSISUT
SAMARBEJDSPARTIET

Aamma maluginiarparput qarasaasiakkut aningaasanoortarnej - aamma inuusuttuaqqat akornanni ingatsikkiartortoq, taamaattumik kissaatigaarput tamatumap suliniarfissatut aamma eqqumaffigineqarnissaa.

Aamma ilaatikkusupparput timersorneq aamma peqqinnartumik inuunissamut suleqatigiinnissaq - nakkaateqqinnginnissamut pinaveersimatitsisinnaasut.

Aamma inuiaqatigiit akornanni oqallisaavoq pornomik pinngitsuuisinnaajunnaartarnej, ulluinnarni attaveqarnej ajornermut tunngaviusoq, oqarasuaammut angallattakkamut pinngitsuuisinnaajunnaartarnej, qarasaasiami inuit naapittarfiinik pinngitsuuisinnaajunnaartarnej il.il. tamakku allanut pinngitsuuisinnaajunnaarnermut aamma aqquataasinnaasarput - kiserliorneq, misiginneqatigineqarsinnaannginneq imaluunniit qanigisanik peqateqartannginneq pissutaalluni. Naak tamakku inuunermut peqqinnartumut ilaagaluartut. Attaveqarnissaq ikorfartorteqarnissarlu uani siunnersuummi aamma assut pitsaasuupput.

Siunnersuut una uterfigilaariarlara; aamma nersualaarusupparput titarnertaaq ilaqutariit meerartallit immikkut maluginiartarnissaannut tunngasoq taamatullu ilaqutariit ataatsikkut katsorsartissinnaanissaannut periarfissaqartitsineq. Atornerlueqataanerup akiornissaa ilungersuatitsisarpoq aamma ilaqutariinnik tamatumap peqqikkunnaartitsisarnera - aamma inuiaqatigiinni inooriaatsit aamma taamaattumik tamanna nuannersutut isigaarput. '

Iliuseqarnerulersimanerup nalilersuiviginissaata inerneru qilanaaraarput aamma inuit qitiusumik suleqataasut, Allorfik Naalakkersuisullu pinngitsuuisinnaajunnaartarnerup akiorniarnerani ingerlalluarnissaannik kissaappagut.